

Окаг бэрэнэс сулдхсна тускар

Алдр Октябрьск революцин хббн, фронтас даячнр герурн хярдж ирцхав. Эдилэ хамдан, мана Донской областн Сальск округин Платовск станицд Улан Гвардин отряд бурдасн Городовинов Ока Иванович болн Буденный Семен Михайлович бас газрун ирцхав.

Ока Иванович фронтас ирнанны хббн хара баясн уга. Тер, урдк даячнр болн багчуд цуглулад активистнр кев. Станицд болсн фронтовикудин съездт, хальмгуд хамцад Улан Гвардин отряд тогтахмн гидж шиндвр гаргъв. Эн отрядт наяд шаху амтс бичгдв.

1918 джилин февралин 6-д негдгч станицн ревкомд арвн зургъан депутатнр шиндгдв, тедн дунд Городовинов О. И., Кулешов Э. И., Адучинов Б. Б. болн талдан чигн амтс шиндгдв.

Эн цагла Донской Казачествин хотл—Новочеркасск балгсн большевикудин гарт орв.

Тингхлэг эн балгснд баясн цагъачудин андул, Попов, Семилетов, Мамонтов болн талдан чигн генералмудин гардврт, хазгудас дбнъ авхар седад, Сальск теегур зулцхав.

Мана станициг харсхин кергт ревком, цуг улан цергчрин отрядсиг хурагъад Городовиновин, Буденный гардврт бгяд нег ик партизанск отряд кев. Командир гидж ур Никифоровиг шиндв.

Цагъачуд Манцин гол тал ббрдв. Тедниг эвранны станицд ббрдүлшгон кергт, Ревком 300 шаху куут мана отрядиг бмнаны илгав. Мана икнйкн даян даян унр сонъсад медд уга билэ, ташр деернь зер-зев хятар, хойрхн пулеттэ билэвди.

Хойр бдр нооллад орксна хббн бшанна чидл дегд ик болсн учрар, мана партизанск отряд ноолданд тедж чадсн уга, зармсны зулцхав, болн ик зунь хару цухрад, Сухой болн Солений гидг куутрмудар зогсв.

Цагъачуд мана станициг авсн даругъан, сббни бийдн тедн бшаннъгъу уга офицермуд, амтиг куучв. Тедн 360 угат болн мухла йовсн амтсиг хадж алв, хойр кууг амдар шатав.

Генерал Попов цуг хазгудиг болн хальмгудиг цергт агсад В. Я. Корольков гидг коннозаводчикин увлзньгд хурав.

Удл уга Агъшас ирсн Улан Гвардь Платовскд, Великокняжескд баясн цагъачудиг шил гиджгарнь цокад кббв.

Мана отряд хару станицдн ирв. Мана то улм икдв, юнъгад гихлэ, эргид баясн угатэ амтс манур ирцхав.

Ревком болн отрядин командовань намаг коннозаводчик Корольковин увлзньгд баясн цергт агсгдсн хальмгуд дунд цайлгврин кодлмш ке гигъад йовулав. Тенд одад би революционн седкл-ухата амтслэ танылдв, дакад тедн дунд мана ревкомд бмнн член йовсн Адучинов Баатр болн талдан чигн амтс кучар цергт агсгдсн баяцхадж.

Эн амтс дунд цайлгврин кодлмш келгэнд ик сар-болгъамдж кергтэ билэ, тер бийн мана кодлмш шулуун кегдв. Тер учрта. Турун ик тус болсн юмнь цагъачуд станицин гем-буру уга кесг амтсиг хадж

алцхасмн. Тингэд амтнэ цус асхад, дбрцулад йовсн олд ил медгдв. Цергт агсгдсн хальмгуд дунд ууман эклв.

Зармсны илар:
—Бидн энд ю кеджэхмб? хярх кергтэ!—гидж хаякрдлд болв.

Наадкснь кель:
—Хальмгудин хаалгъ кадетнрлэ, офицермудлэ негн биш.

* * *

Эн уумэг уурулхин кергт генерал Попов хальмгин эскадрониг цуглултн гидж закв. Эскадрон хурад зогссна хббн генерал ингдж кель:

—Кезанэс эндр куртл хальмг келн-амтн хазг болдг збвтэ. Тадн кезад болв чигн хааг болн уул оран харсдж йовлат. Эндр бдр болхла хальмгудин хамгин ик бшанн—большевикуд. Кемер эн уумэгъан эс уурахлатн бидн тадна эзлджанс газритн булагъад авч оркхвдн.



Гражданск даянд экнаны сүл куртл орлсн, Төрскан Харсгч Алдр даянд орлсн збргм даяч, отставкад баях майор Э. А. Кулешов.

Эн угиннь хббн генерал Попов, Хургунов Бадм гидг хальмгт, мана агитацд орлцад, хальмгуд цагъачудас хол йовхмн, гер-талан хярх кергтэ гигъад келад йовсн тбладн, амтнэ нүднд хббн тавн малэ бгулав.

Тер догшн цаг билэ. Зармдан кесг сб унтл-кевтл уга, кесг бдр хот-хоол уугдл уга йовгдад чигн оркдмн.

Окаг цагъачуд бардж авч гисн зангъ нег дакдж гарв. Эн зангъ унн болв. Ик догшн даян галд Окан мбрдн сумн тусад унхлаг, цагъачуд Окаг барад, штаб тал, генерал Поповд авч ирдж.

Генерал ним ку бардж авсндан байрлад, цуг хазгудиг цуглулад, ик уг кель.

—Ока гидг кун хаана йосна дегд ик бшанн. Эн цань уга аамшгтэ, кезад чигн чикрдж бгх кун биш. Иим кун мана цуг алдр Донской цергин болн хазгудин тбрснэ ик бшанн.—Аргъта болхла Окала айд, хальмгин нер гутаджах улсиг, тохминь таслдж уга кехмн. Генерал ингдж келад, Окаг уктань гувдүлад киитн нүкнд хаюлад, манач тавб. Мангьгдур орундн хаджалх болдж шиндвр гаргъв.

Бидн, тингэд кучар цагъачудин цергт орулдж авгдсн хальмгуд хоорндан, унтэ командиран бэрэнэс ягъдж сулдхж авхан куундввдн. Удард аръ уга билэ. Ягъад болв чигн шулуун сулдгх кергтэ.

Генткн эн бдр намаг эскадронд дежурн тавджанэ. Адучинов Баатр, Лидж ах-ду хойрла гурвулн куундэд, Окаг ягъдж сулдх зура кедж аввди.

Мана зура иим билэ:
Би дежурн болсн учрар, конюшнд кодлджэх куунд, холд баясн харулмуд халах кергт дбрвн мбр бг гидж заквр бгх. Мбран ундж гарад, Окан кевтх нүкнд курад, халадджэх маначд ингдж кель:

—Эн кууг генерал Поповин закврар хадж алхар йовнавдн,—гич.

Энүнэ хббн, Окагъан сулдхж авчкад, хойр Адучинов болн бидн—дбрвүлн зулх.

Намаг харулмуд тбгалад, халадж йовтлм, бэрэнд баях кун манач дуудад, келджанэ:

—Бэрэнд суух кун харулин начальнигид дуудджана...

Ирхлэ, Ока куунэ баадл уга. Гувдлгэнд, цоклгэнд махмуднь кбк балм, чирань мел пусн, нүдн хавдрта. Намаг узчкэд, тамк сурв. Тамк бгхяр ббрдхлэм, минн чикнд ара шимлдв:

—Намаг сулдхж үзтн.

Би манач медүлго:

—Цуг белн, күладжэ, хамдан зулхмн гидж аргъул докья бгвв.

Саянар харньгурхиг күладжэгъад Баатр, Лидж бидн гурвн мбран унад, нег мбран кбтлад, харул баясн Бугуевск

тагт тал гарввди. Зууран хаалгъасн хаджигтэд, модн дотр мбрдан оркчкад, Окан кевтх нүкн тал ирввди.

Манач ббрдүлджэхш. Омнаны эрт белддж авсн цаасан үзүлэд:

Энүгичнь ода эс хадж алхла зулдж чигн одх, дежурн куунэ заквр күцэ!—гигъад!—хаякрджанэв.

Манач хойр гаран гуйдан шахчкад:

—Сонъсджанав, авч йовтн,—гидж хару бгв.

Бидн, Окаг,бу үзүлэд ардаснь туугъад гарввди. Мбрдиннь ббр ирэд, Окаг аргъул бргад мбрн деер суулгъад эврэн бас мбрдан унад гарад йоввди. Чангъгар йовдг аргъ уга—Окан шавнь ик. Дакад а бича гартха гигъад бас сагддж йовнавди. Орал дууна шаху йовад орксн цагла, генткн мбрнэ туруна а сонъсгдджана. Мана ардас кбблдж йовхинь бидн медввди. Зулдж большго—Ока кунд шавта.

—Ягъй?—гисн сурвр эн самла мана кен-негнэмвди толгъад орв.

—Омаран эргэд, сала тал гартн,—гидж Ока закв.

Салагъар ордж ирэд, модн заагт мбрнэсн бууллад, маниг кббдж йовх амтс давад гартл күлагъад сууввди.

Мадна күрх газр—Манцин голин ца баях, Окан тбрсн Эльмута гидг куутр билэ.

Кбблдж йовх амтс давб, бидн мбрдан дакнас ундж авад, бмн үзгүр кесг дуунад йовчкад, күрх газр талан, дорд үзг халагъад гарввди. Манцин голинг гатлад энд ирхлэ—манахс баадж.

Гучн йисн джил хооран бидн хальмгин күндтэ урн, Улан Цергин алдр командир Ока Иванович Городовиновиг бэрэнэс ингдж сулдхсн болдг.